

Ո Ր Ո Շ ՈՒ Մ

ԱՆՀԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՀԱՐՑԻ ՎԵՐԱԲԵՐՅԱԼ

քաղ. Երևան

27 մարտի 2009թ.

Հայաստանի Հանրապետության Սահմանադրական դատարանի 2-րդ դարական կազմը նախագահությամբ՝ Հ.Նազարյանի, անդամակցությամբ՝ Հ.Դանիելյանի, Ռ.Պապայանի, քննության առնելով «Բջնի» հանքային ջրերի գործարան» ՓԲԸ եւ բաժնետեր քաղ. Ռոբերտ Սուքիասյանի կողմից ներկայացված դիմումի ընդունելության հարցը

Պ Ա Ր Ձ Ե Ց

«Բջնի» հանքային ջրերի գործարան» ՓԲԸ եւ բաժնետեր քաղ. Ռոբերտ Սուքիասյանը դիմել են Սահմանադրական դատարան, վիճարկելով.

1. «Բնապահպանական եւ բնօգտագործման վճարների մասին» ՀՀ օրենքի 7 հոդվածի «բնօգտագործման վճարներինը՝ Հայաստանի Հանրապետության կառավարության կողմից» դրույթի՝ ՀՀ Սահմանադրության 83.5 հոդվածի 2-րդ կետի պահանջներին համապատասխանությունը,

2. «Բնապահպանական եւ բնօգտագործման վճարների մասին» ՀՀ օրենքի 19-րդ հոդվածի՝ ՀՀ Սահմանադրության 5-րդ հոդվածին եւ 83.5 հոդվածի 3-րդ կետի պահանջներին համապատասխանությունը,

3. «Հարկերի մասին» ՀՀ օրենքի 22-րդ հոդվածի 2-րդ մասի՝ ՀՀ Սահմանադրության 3-րդ հոդվածի, 42-րդ հոդվածի, 83.5 հոդվածի 1-ին, 2-րդ եւ 3-րդ կետերի պահանջներին համապատասխանությունը:

«Բջնի» հանքային ջրերի գործարան» ՓԲԸ ՀՀ տնտեսական դատարանում, ՀՀ վարչական դատարանում եւ ՀՀ վճարեկ դատարանում փորձել է պաշտպանել իր իրավունքները՝ սպառելով դատական պաշտպանության բոլոր միջոցները, եւ գտնում է, որ ընկերության նկատմամբ վերջնական դատական ակտով կիրառված օրենքների վերոհիշյալ նորմերը հակասում են ՀՀ Սահմանադրությանը:

Դատական կազմը գրավ, որ դիմումը ենթակա է քննության «Բջնի» հանքային ջրերի գործարան» ՓԲԸ մասով, քանի որ քաղ. Ռոբերտ Սուքիասյանը ՀՀ վարչական դատարանում դատավարության մասնակից չի հանդիսացել եւ նրա նկատմամբ դիմումում վիճարկվող նորմերը չեն կիրառվել («Սահմանադրական դատարանի մասին» ՀՀ օրենքի 69 հոդվածի 1-ին մաս), այդ մասով դիմումը համապատասխանում է ՀՀ Սահմանադրության 101 հոդվածի 6-րդ կետի, «Սահմանադրական դատարանի մասին» ՀՀ օրենքի 27, 28 հոդվածների եւ 69 հոդվածի, ինչպես նաեւ ՀՀ սահմանադրական դատարանի կանոնակարգի պահանջներին: Պահպանվել է նաեւ սահմանադրական դատարան դիմելու՝ օրենքով նախատեսված ժամկետը, առկա է պետական փութքի վճարման անդորրագիրը:

Ղեկավարվելով «Սահմանադրական դատարանի մասին» ՀՀ օրենքի 69 հոդվածով, ՀՀ ՍԴ 2-րդ դարական կազմը

Ո Ր Ո Շ Ե Ց

1. «Բջնի» հանքային ջրերի գործարան» ՓԲԸ եւ բաժնետեր քաղ. Ռոբերտ Սուքիասյանի դիմումը՝ «Բջնի» հանքային ջրերի գործարան» ՓԲԸ մասով ընդունել քննության, կազմել գործ, որով պարասխանող կողմ ճանաչել ՀՀ Ազգային ժողովին:

Նախագահող՝

Հ.Նազարյան

Անդամներ՝

Հ.Դանիելյան

Ռ.Պապայան

